



11. februar 2022

UPA2022/95

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Tasiilami efterskolemik pilersitsinissaq siunertaralugu pilersaarummik UPA 2023-mi Naalakkersuisut saqqummiusseqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Mala Høj Kuko, Siumut)

Tunngavilersuut:

Meeraallungali Politikkerit tusartualerpakka oqariartuutiguarat meeqqat atuarniaritsi ilinniarniaritsi nunatta siunissaraasi. Tamanna oqariartuut assut meeraalluni tusarluarnartorujussuujuuaannarpoq. Meeqqallu atuarianni naammassilluni ingerlariaqqiffissami qinnuteqarluni akissuteqarfigitinnissaq tamani utaqqinarnersaallunilu pissanganarnersaasarpoq. Uangattaa tamanna meeraallunga meeqqat atuarianniit naammassereerlunga aqqusaarsimaqara.

Ukiuni kalaallit nunarput atuarfeqarnikkut ilinniarfeqarnikkut pitsaasumik ineriartortuartuuvoq. Sulilu pitsaanerulersinnaasumik ineriartorteqqissinnaavarput peqatigiilluta. Tasiilami meeqqat atuariannik qullersat pisussaaffeqaramik atuarfeqarpoq. Inuusuttut atuarfimmi karakterimiikkut pitsanngoriaqqinnissaminnik inerisaanissaminnik periarfissinneqarnissartik siunertaallugu qanga STI-mi taaneqartartoq massakkut Majoriamik taaneqartalernikoq pigineqarpoq.

Tasiilami meeqqat atuarianni naammassisut ilinniarnerminnik ingerlariaqqissagunik allatut ajornartumik illoqarfitsik qimallugu aatsaat atuaqqissinnaasarput allamik periarfissaqanngiivikkamik. Qinnuteqaamminnik akuerisaasimasut aallartussanngoraangamik aallartinneqartarput nunagisartik qimallugu. Ilinniagaqartuni aallarnissarmi kinguneqartarpoq ilaqtanik qimatsineq, tassami siunissamut nammineersinnaanngorsinnaanissaminnut periarfissaq siulleq aallartitarpoq. Kitaanumi atuariartussagunik paasereertarpaat imaaliillaannaq tasiilamut ilaqtatit tikeriaannaajunnaartussaallugit. Tassa aatsaat ukioq ataaseq qaangiuppat utersinnaaanissaminnik billitsimik akiliunneqarunik utersinnaajumaassallutik. Tassami angallannermut billitsit akisusangaarmata akissaqartinneqarsinnaanerat unamminartorujussuusinnaasarmata. Suli ingasannerusarpoq ittoqqortoormiunut najugaqartunut. Tassami taakkunani angalaniarnerup akimikkut unamminartorujussuusinnaasarnera minnerunngitsumillu aqputtisaq annertuumik nalunartoqartuarsinnaanera peqqutaataasarmat.

Piffinnimi nunat allat aqqusaqqaarlugi utersinnaasaramik. Tassa naatsorsuutiginngisamik aningaasarpasuannngorsinnaasarnerat uani ataasiannngitsumik eqqaaneqartarnera ataasiarnatami tusartualernikuuarput.

Nunatta kitaa kujataaninngaaniit avannaanut arlalissuarnik ilinniarfinnik ineriartorfiusinnaasunik inerisaaffigineqarnikuuvoq. Tamannalu assut pitsaasuuvoq. Tunuminngaaniit ukiorpassuarnik ilinniarfiit assigiinngitsorpassuit ilinniartunit atorluarneqartarsimaqaat.



Massakkut aamma Tasiilami efterskolemik pilersitsisoqarnissaanik isummersueqataanissassinnik tamassi peqatiseaassi.

Tasiilami efterskolimik peqalertuuppat ilinniartitaaneq annerulernissaanik periarfisseeqataanissatsinnik massakkut ilaseraassi.

Tasiilami efterskoleqalertuugaluarpas tasiilap pigisaaniittut tassa nunaqarfittaaniittut illoqarfigisartik ungaserujussuarnagu qimanngikkaluarlugu periarfissinneqassagaluarput atuariartorsinnaanissaminnik. Weekendtinillu aamma ilaqquttatik alakkarsinnaanissaminnik periarfissaqarlutik periarfissinneqassagaluarput. Taamaattumik atuarfigisaminnik attassiuarsinnaanissaat tassa paarsilluarsinnaanissaat isumannaarneqarsinnaassagaluarpoq.

Kiisalu kitaaninngaaniit aamma inuusuttut efterskolemut qinnuteqarnermikkut periarfissinneqassagaluarput tunumiut kultooriannik inuuneqartunik atuaqateqalersinnaanissaminnik misigisaqarnissaminnik. Tusartaannarparpummi inuusuttut ullaakkut makinnissaminnik pisussaaffeqaratik siniinnartarsimasut. Taamaammat efterskolimik pilersitsisoqassagaluarpat inuusuttunut pitsaasumik kinguneqarluni kajuminnermillu pilerisulernermilu kinguneqarnissaa ilimanarsinnaalluarpoq.

Taamaattumik efterskolimik pilersitsinissamik siunnersuutiga inatsisartuni ilalerluarneqarnissaa neriuuteqarfigisorujussuvara.

Pisortanut aningaasatigut allaffissornikkullu kingunerisassat:

Ukiup affaanik sulisitsineq, kr. 250.000 missaani.

Namminersorluni inuussutissarsiuteqarnermut aningaasatigut allaffissornikkullu kingunerisassat:

Soqangilaq

Innuttaasunut aningaasatigut allaffissornikkullu kingunerisassat:

Soqangilaq